

便當

許美莉¹

想起讀國小、國中的時陣，別人攏是對厝裡絮便當來學校炊，干焦我著愛透中晝從去大門口，等阮阿母送便當予我。

遠遠聽著阿母的 oo-tóo-bái 聲，聲音愈來愈倚、愈來愈大聲，我的腹肚就會愈來愈枵。看著阿母騎伊彼台佇彼時陣足風神閤顯目的白色「uí-sū-pà」出現的時，我的目睷隨金起來。歡歡喜喜對阿母的手裡共彼粒燒唵唵的便當接過來，閤共阿母說多謝了後，我就趕緊倒轉去教室，準備欲來食阿母攢的便當囉！

才拄共便當園泉頂，蓋都猶未掀開，同學逐個就開始臆，欲看我的便當有啥物好料的？個定定臆毋著，因為阿母攢的便當，袂輸萬花鏡全款，千變萬化，有魚有肉嘛有菜恰。蹓佇海墘仔，常在攏有現流仔的海產通食，尤其是細隻魚船仔用釣桿仔釣的，逐工攏無全款，我的便當嘛綴咧變來變去。阿母閤會攢著時的果子予我食，貼心閤頂真的阿母，攏會加攢一份，欲予阮彼個對臺北來庄跤教冊的導師。阿母的愛心便當予我滿滿的營養，閤有阿母對阮的向望恰滿腹的愛。阿母的愛心便當，嘛予我體會著做人上基本的道理，日後毋管做啥物，著愛用心斟酌準備，嘛愛

堅持閤有耐心，代誌才會成功。

這馬換我做人的老母，逐工天拍陪仔光就精神，趕欲共阮查某困攢便當。逐工攏咧想講欲煮啥物伊較愛食的菜，天氣若傷熱，就愛較清的菜，毋通傷鹹；天氣若較寒，就愛共攢燒罐予伊絮湯。逐工雖然睏無飽眠閤無閒頗頗，愛款東款西，灶跤嘛愛拭來拭去。毋過看著阮查某困逐工攏真歡喜咧問講：「阿母，明仔載你欲煮啥物好料的予我絮便當咧？」定定聽伊講，有同學逐工攏會來巡看伊的便當有啥物好料的，甚至有的人三不五時閤會來夾一塊仔肉、夾寡菜，講甲伊喙笑目笑，歡頭喜面真得意。聽伊按呢講，我心內嘛誠歡喜伊有恰意我逐工共伊攢的便當。

攢便當的過程當中，我沓仔體會著阿母彼當陣的心情，我閤較感謝阿母對阮的疼惜恰照顧，我嘛會永遠共阿母堅持拍拚的愛傳落去。

¹許美莉(Khóo Bi-lí)